

Parlament communal Ilanz/Glion Communicaziun allas medias

A caschun dalla sesida dils 17 da matg 2022 ha il parlament communal dad Ilanz/Glion priu per enconuschientscha treis presentaziuns tier projects actuals. All'entschatta dalla sesida ei la tractanda davart la contribuziun pumprack Glion vegnida spustada muort ulteriurs sclariments necessaris cun l'Uniuin sportiva Schluein Glion sin la proxima sesida dil parlament dils 22 da zercladur 2022.

Il concept da parcar ei vegnius presentaus da Jolanda Membrini, planisadra da traffic dil biro d'inschignier e planisaziun Hartmann e Monsch. Ei duei vegnir schaffiu in uorden da parcar che cuarcla aschi bein sco pusseivel ils basegns da parcar e ch'ei colligiaus cun consequenzas negativas minimalas sin l'attractivitat da viver ellas fracziuns ed igl ambient. Il mument ha sulet il marcau da Glion in uorden da parcar, ellas ulteriuras fracziuns existan differentas basas legalas, las qualas duein ussa vegnir unificadas. Singulas fracziuns han insumma negin reglament. Sco proxim tracta la suprastonza communalas las inoltraziuns dalla consultaziun e surlavura corrispudentamein il concept da parcar. Igl atun 2022 vegn il parlament a decider davart la basa legala.

Plinavon ein il stan dallas lavurs e la procedura en connex cun la sanaziun dalla casa da scola a Castrisch vegni presentai. Las co-presidentas dil cussegl da scola, Annalisa Cathomas e Michal Hohl, han informau il parlament communal davart il diever actual e las pretensiuns futuras dalla scola. Jan Berni dil biro d'architettura incumbensau Berni architects & inschigniers ha presentau las constataziuns dalla planisaziun da test sco era duas direcziuns strategicas pusseivlas. Fertion che l'emprema varianta prevesa da mantener la halla da gimnastica cun aschuntar ina stanza plurivalenta, persequitescha la secunda varianta ina proposta pli radicala. Enstagl dalla halla da gimnastica – per la gimnastica dalla scola duei l'infrastructura a Sevgein vegnir nezegiada – duei nescher ina stanza da cultura, la quala savess schaffir per Castrisch in niev liug e per l'entira vischnaunca Ilanz/Glion ina gronda plivalur. Ils proxims meins duei vegnir discutau vastamein davart las duas variantas, cun las persunas d'instrucziun, solarAs e la populaziun sco era interessai. Sin fundament da quei duei seresultar il program da spazi definitiv, sco basa per ina concorrenza d'architettura.

Ultra da quei ha il parlament communal obteniu ina presentaziun davart il concept per la promoziun dalla cultura. Suentier ch'ina cumissiun accumpignonta ei vegnida elegida e las uniuns culturalas sco era ils creaturs da cultura ein vegni envidai ad ina retscherca, ha in luvratori «Fueina da cultura» giu liug. La cumissiun accumpignonta ha elaborau il concept da promoziun dalla cultura. La finamira da tal ei la promoziun da projects e dalla generaziun nova, il svilup activ dall'infrastructura da cultura sco era la renconuschientscha dalla lavur voluntaria dallas uniuns. Suentier in'ulteriura exposiziun da cooperaziun duei la lescha corrispudenta vegnir tractandada igl atun 2022 el parlament communal.

La proxima sesida dil parlament communal ha liug mesjamna, ils 22 da zercladur 2022 allas 19.00 a Glion.

Ilanz/Glion, ils 18 da matg 2022

Parlament communal Ilanz/Glion

Gemeindeparlament Ilanz/Glion Medienmitteilung

Anlässlich der Sitzung vom 17. Mai 2022 hat das Gemeindeparlament Ilanz/Glion drei Präsentationen zu aktuellen Projekten zur Kenntnis genommen. Anfangs der Sitzung wurde das Traktandum bezüglich Beitrag Pumptrack Ilanz aufgrund von weiteren benötigten Abklärungen mit dem Fussballverein US Schluein Ilanz auf die nächste Parlamentssitzung vom 22. Juni 2022 verschoben.

Das Parkierungskonzept wurde durch Jolanda Membrini, Verkehrsplanerin des Ingenieur- und Planungsbüros Hartmann und Monsch, vorgestellt. Es soll eine Parkierungsordnung geschaffen werden, welche bestmöglich die Parkierungsbedürfnisse abdeckt und mit minimalen negativen Auswirkungen auf die Attraktivität des Dorflebens in den Fraktionen und die Belastung der Umwelt verbunden ist. Momentan verfügt lediglich die Stadt Ilanz über eine Parkierungsordnung, in den anderen Fraktionen bestehen unterschiedliche gesetzliche Grundlagen, welche nun vereinheitlicht werden sollen. Einzelne Fraktionen haben gar keine Regelung. Als nächstes behandelt der Gemeindevorstand die Eingaben aus der Vernehmlassung und überarbeitet das Parkierungskonzept entsprechend. Im Herbst 2022 wird das Parlament über die gesetzliche Grundlage beraten.

Des Weiteren wurden der Stand der Arbeiten und das Vorgehen im Zusammenhang mit der Sanierung des Schulhauses in Castrisch präsentiert. Die Co-Präsidentinnen des Schulrats, Annalisa Cathomas und Michal Hohl, informierten das Gemeindeparlament über die aktuelle Nutzung und die künftigen Anforderungen der Schule. Jan Berni des beauftragten Architekturbüros Berni architects & inschigniers präsentierte die Erkenntnisse aus der Testplanung sowie zwei mögliche Stossrichtungen. Während die erste Variante die Beibehaltung der Turnhalle mit Ergänzung eines Mehrzweckraums vorsieht, verfolgt die zweite Variante einen radikaleren Ansatz. Anstelle der Turnhalle – für das Schulturnen soll die Infrastruktur in Sevgein genutzt werden – soll ein grosser Kulturraum entstehen, der für Castrisch einen neuen Ort und für die gesamte Gemeinde Ilanz/Glion einen grossen Mehrwert schaffen könnte. In den nächsten Monaten sollen die beiden Varianten breit diskutiert werden, mit den Lehrpersonen, SchülerInnen und der Bevölkerung sowie Interessierten. Daraus soll das definitive Raumprogramm entstehen, als Grundlage für einen Architekturwettbewerb.

Ausserdem hat das Gemeindeparlament eine Präsentation über das Kulturförderungskonzept erhalten. Nachdem eine Begleitkommission gewählt wurde und die Kulturvereine sowie Kulturschaffende zu einer Umfrage eingeladen wurden, fand ein Workshop «Fueina da cultura» statt. Die Begleitkommission hat das Kulturförderungskonzept erarbeitet. Ziel dieses ist die Förderung von Projekten und des Nachwuchs, die aktive Entwicklung der Kulturinfrastruktur sowie die Anerkennung ehrenamtlicher Arbeit der Vereine. Nach einer weiteren Mitwirkungsaufgabe soll das entsprechende Gesetz im Herbst 2022 im Gemeindeparlament behandelt werden.

Die nächste Gemeindeparlamentssitzung findet am Mittwoch, dem 22. Juni 2022, um 19.00 Uhr in Ilanz statt.

Ilanz/Glion, den 18. Mai 2022

Gemeindeparlament Ilanz/Glion